



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 1140



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 1140



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 1140



DES VICTOIRES OBTENVES PAR L'ILLV STREPRINCE MAURICE

DE NASSAV.

Gouverneur & Capitaine general des Provinces unies du Pais bas : accompagné d'un ample discours, touchant la defaite de l'armée du Duc Albert, au-

pres de Nieuport, le 2 me de Iuillet, 1600.

Ensemble,

Vn Sonet à son Excelence, un au Prince HENRI son frere, & un autre pour la conclusion de ce Cantique. Le tout

Par

I. COVTEREELS, d'Anvers:



A MIDDELBOURG, Chez Richard Schilders, Imprimeur de Messieurs les Estats de Zelande, 1600.

1120

TANDEM BONA CAVSA TRIVMPHAT.



IE MAINTIENDRAY. NASSAY.



AV TRESILLVSTRE Prince Mayrice de Nassay, GOVVERNEVR ET CAPITAL NE GENERAL DES PROVINCES VNIES DY PAIS BAS, ET GRAND ADMIRAL DE LA MER.

SONET.

Triestois point encor au prințems de ton age
Quand tu trempas ton ser dans le sang inhumain
Du barbare Tiran: Quand ta vaillante main
Bien bravement dompta de l'Espagnol la rage.
Dés lors qu'il t'a fallu suivre de Mars l'orage,
Tu froisses, brise & romps les corps & le dessain
De tes siers ennemis: Tu ne fais rien en vain:
Admirable tu és de vie & de courage.
Et braquant tes canons brave, tu fais branler,
Tu foudroyes celui qui cuidoit t'avaller,
Tu batailles, tu vaincs, Villes, Chasteaux, Gendarmes.
Illustre de NASS AV, n'endure nullement
Ces grands monstres hideux: poursui les vaillamment:
Resister ne pouront à tes guerrieres armes.



CANTL

A MONSEIGNEUR LE PRINCE HENRI DE NASSAY,

MAVRICE son frere avoit gagné la bataille contre le Duc Albert audit païs.

SONET.

Henri noble & benin, Henri digne & heurense D'estre fils d'un tel Prince, & d'avoir un tel frere, Qui est l'espoir des bons, comme a esté ton Pere, Ton Pere, frere & toi, trois rares dons des cieux.

Bien les traces tu suis de tes nobles ayeux,

De ton frere guerrier: à te voir tost i espere

L'effroi de tous meschants, & un Prince prospere,

Marchant comme un Casar le pas victorieux.

Encor que tu ne sois en l'avril de ton age,

Es bahi, on t'admire & loûe le courage

Qu'en Flandre tu avois, seune & brave guerrier.

Courageux, tu voulois partout ton frere suivre,

Mourrir aveques lui, & aveques lui vivre:

De la victoire aussi tu portes le laurier.

CANTL

Enter on principle of the Entertain or write-



CANTIQUE

Des victoires obtenues par l'Illustre Prince Mayrice de Nassay, Gouverneur & Capitaine general des Provinces unies du pais bas: & signament de la defaite de l'armée du Duc Albert, aupres de

Nieuport, le 2^{me} de Iuillet, mille six cent.



Velle torche Delphique illumine nos yeux?
He Dieu! quelle clarté nous rayonne des cieux?
Quel bo air doux-serain nous vient ore des nues?
Quel hymne triomphal resonne par nos rues?

Mille & mille ont oui ceste divine voix

Par nos belles Cités, par nos champs, par nos bois,

Que veut dire ce bruit? seroit il bien possible

Que ia l'ost Espagnol, qui sembloit invincible,

Couard, s'enfuiroit? Et que le Dieu des Dieux

Auroit en route mis ce camp audacieux?

Fai, Pere de ce Tout, que de ceste victoire \\
Ie face à nos Neveux un beau hymne à ta gloire,
Et que puisse estaller dedans mes foibles vers
Les exploits de NASSAV, la rage des pervers,
Fai qu'ores le Nectar coule dedans ma plume,
Pour former un doux chant, & non un grand volume:

W13

O sic

6

O ciel, ô terre, ô Mer, enfans de l'univers,
Astres, Lune & Soleil, oyez les faits divers,
Les naïves faveurs, & les grandes merveilles
Du favorable Dieu, destoupés vos oreilles.
O ciel seraine toi, appaise toi ô Mer,
Æole retiens or ton vagabond venter,
Toi peuple du grand Dieu escoute le cantique
Que ie veux entonner en la langue gallique.
He quoi! ma Muse, quoi? ma Muse que veux-tu
De bon nous emboucher? Quelle gloire ou vertu
Nous voudra-tu chanter? seroit bien ceste armée
De l'Archeduc Albert en route & en sumée?

Muroit di-ie deia l'Eternel Dieu permis
Que le camp ennemi seroit en route mis?
Mon ame esgaye-toi, i'apperçoi la victoire,

Mon ame elgaye-toi, l'apperçoi la victoire, Et mon Prince marcher d'une fameuse gloire: Triomphant ie le voi, & d'un cœur valeur cux Il vient, voit & abat l'Espagnol orgueilleux:

Magnanime Guerrier, benin, prudent & sage,
Tousiours sur l'ennemi tu as en l'advantage,
Quand ton camp genereux est venu se planter
Devant Zutphen, Steenwick, Nimegues, Deventer,
Grol, Groeningues aussi, que nul Roin a seu prendre,
A ta devotion tost se sont venus rendre.
Nonobstant tout cela, plusieurs autres pais,
Villes & forts Chasteaux, hardi, tu as conquis.

Au felon mois de Mars, la grande forteresse D'André vas assieger, vers toi elle s'abaisse: Tul'emportes: tu vaincs les cœurs de ses soudars, Humbles se viennent rendre à toi de toutes pars, Tules reçois pour tiens, & ils te sont promesse De toute loyauté: admirans ta hautesse.

Faut

Faut il venir aux mains dessus le plat pais? Mon Prince tout premier fonce ses ennemis, Il entre front à front au camp de la bataille, Il court, choque, renverse, à travers il chamaille. On la veu à Tournhout, ou mon Prince un matin Hardi, alla trouver son ennemi mutin, Et arma ses soldats de fer & de courage, Pour, brave, bien dompter de l'Espagnol la rage. Ton chevaleureux camp n'attendoit que le cor, Le fifre, le tabour, ni la trompette encor Sonnassent la bataille, ains, viste, vont aux armes, Chamailtans, abatoyent en ces chaudes alarmes. Deux mille hommes d'un choc: chose effroyable à voir, L'un sans teste gisoit, l'autre n'avoit pouvoir De se trainer, helas! tant estoyent miserables, L'un sambe, sans bras, iette cris pitoyables L'autre ne vit, ne meurt : voit en mesme saison Du bas & haut Iupin l'ennuieuse maison. Leurs heaumes, boucliers, ni leurs fortes cuirasses Ne pouvoyent resister à tes pesantes masses. Le peuple mille-fois dire se peut heureux D'avoir un tel Seigneur, tousiours victorieux, Conduit de l'Esprit saint, de l'Eternelle gloire, A lui le trois-fois faint, a donné la victoire. le te prie o grand Dieu, nous faire la faveur Que de tes ennemis il demeure vaincueur: Ne permets ces hiboux, meurtriers de ton Eglife, Venir à leur dessein, brise leur entreprise: Fai qu'en ton temple saint on oye resonnant A ta gloire Seigneur, un hymne triomphant. Muse, change propos, retournons aux alarmes Et aux combats: di-moi, pour quoi tant de gendarmes

Anglois

Anglois, Flamens, Walons, Almans & Escossois, S'amassoyent en Zelande avec tant de François? Declare au monde aussi les faits de nostre Prince, Corne-le, sonne haut, par chacune province.

Ou suis-ie transporté? He mon Dieu quel plaisir
l'ai de veoir tel amas, leur chaleureux desir,
La Mer se tarit d'aise, et les monts qui sautelent,
Les hauts Rochers cambrez à leur bal les appellent,
L'un & l'autre s'esgaye, un chacun s'esiouit:
Le tonnere & le vent ne sont d'aise aucun bruit,
Nos beaux prez tapissez, nos champs mignards en rient,
Les peuples resormez pour la victoire prient.

Voi voi combien de nefs, combien de grands bateaux, Mille & mille parfois sur nos Belgiques eaux, Voi les beaux escadrons, les belles promenades, Ore çà ore là par nos Adelantades.

Ha: i apprrçoi venir mon Prince genereux

MAVRICE de NASSAV, un Prince autant heureux

Magnifique & benin, que le ciel ait fait naistre,

Vn valeureux guerier, aux armes un grand maistre,

Dont la main acerée & le glaive trenchant,

Fait trembler devant soi l'Espagnol en marchant.

He! quels grands appareils? quelle armée navale?
Onques en ces pais n'a esté flotte esgale..
Voi comment de ces ness l'une va vistement,
L'autre monte, & avale, & vole dextrement
Par le Neptun prosond, dont la vague bruyante
En divers lieux se fend par sa charge pesante.
Iamais di-ie on n'a veu tant de vaisséaux s'armer
Sur le stot incertain de l'ondoyante Mer.

Balançans haut & bas, faire voile ils commencent, L'un premier, l'autre apres pour la Flandre s'avancent,

De

-

De main droite & main gauche à Philippine tous Arivent, car illec estoit leur Rendez-vous. Les premiers abordez, ayant eu vent en poupe, Vont raser Philippine en attendant la troupe. Puis apres de NASSAV & ses vaillans soudars A pied & a cheval, y vont de toutes pars: Pied à terre mettant, au plus beau de la Flandre Mon Prince alla marcher comme un preux Alexandre L'avan-gar de premier, le bataillon apres, L'arriere-garde aussi les suivoit de bien pres: En si bon ordre estant ces troupes amassées, Ie di ce camp royal, en bien peu de iournées Gagnent divers Chasteaux, vainquent plusieurs soudars, Arrivent à Nieuport dessous leurs estandars: Mais ils n'estoyent encor sous les murs de la ville, Que l'ennemi ne vint, plus de six fois deux mille, A pied & a cheval entre Ostende & Nieuport, Regagnent Audembourg, Snaef-kerck un petit fort, Massacrent nos soldats contre la foi promise Par l'Archeduc Albert: ceste faute commise Guerdonnée leur fut voir en moins d'un quart-iour, Ils sentirent les coups de nos fers à leur tour. Enfles, s'estoyent promis d'accabler nostre armée, Ains l'heureux de NASS AV sachant leur arrivés Fait marcher aussi tost deux ou trois regimens De ses cheris soldats, contre ces Mal-contens, Pensant les empescher quelque certain passage, Ils y vindrent trop tard, ia, deia l'advantage Sur ces chemins avoyent les tirans inhumains: L'un, l'autre rencontrans, on tire, on vient aux mains, On bourelle, on foudroye, on chamaille au possible, On crie, on meine bruit, d'une frayeur terrible:

B

De leurs armes & voix, plus que le Nil bruyoyent,
Qui tombe de ses rocs, tant & tant tempestoyent:
Douse mille ennemis estoyent illec en armes;
Des nostres seulement que trois mille gendarmes,
Qui causa que nos gens surent en route mis,
Emmenés, bourellés, tués des ennemis:
A la chaude, en sang froid, de ceste matinée
Ils donnoyent plusieurs coups sur nostre soible armée,
Laquelle neantmoins de son ser ravageant
Renvoya au trespas de leurs gens bien autant.

Le courageux NASSAV entendant la messée, Fait passer vistement la reste de l'armée Le havre de Nieuport: lequel estoit pour lors Fort bas d'eau: car la Mer transportoit son grand cors. Croyés que l'Infini, qui gouverne le monde, Voulut que pour alors de la grande Mer l'onde, Cerchat autre rivage, autre havre, autre port, Et qu'elle abandonna la Rive de Nieuport. Tost passoyent ce Canalnos adextres gendarmes, Chausses de deschausses avec toutes leurs armes, Ce ne fut sans travail, sans risque, sans danger. Estans donques passés, viste, se vont ranger En ordre de bataille : & d'un constant courage S'arment de fer, d'acier, se masquent le visage D'un horrible fureur : & marchent, valeur eux, Resolus, d'attaquer l'Ost Espagnol sumeux. Ore le gros s'avance, or d'aller on commande L'un escadron deçà, & delà l'autre bande. Pour Albert l'avant-ieu ne dura longuement, Car la chance bien tost tourna tout autrement.

Marche le fer au poing, furieux, it iravaille,

SAGE

7 1

Sage, il dispose tout, il discoure, il debat, Pour, brave, remporter le pris de ce combat: Il recule tantost, & tantost il s'avance, Les siens il encourage à faire la vengeance Du premier choc perdu: Il marche le grand pas D'un escadron à autre, il ne s'arreste pas: Ce tant Illustre chef, ce Guerrier invincible, Cerche mille moyens à l'ennemi nuisible. Il sit comme Annibal avoit fait aux Romains, Il donna dans les yeux des mutins inhumains Le Soleil & le Vent, qui à leur grand dommage Ronfloit, soufloit, bruyoit, & NASSAV d'un courage Dit lors, ça mes soldats, mes freres, mes amis, Ne doutons nullement, fon sons nos ennemis: Autourd'hui avec vous ie veux mourir & vivre, Courage mes enfans, ne failles à me suivre. Car si ne combates, où voules vous fuir? Voila les flots cruels prest à nous engloutir, Et à l'autre costé un fort plain de gendarmes, Nieuport derriere nous, & devant nous en armes L'Archeduc & les siens: Dites moi quel endroit Pour pouvoir eschaper qui, coûard, s'enfuiroit? Iln'y à nul remede, il faut donques combatre, Il faut faire un chemin, Il faut tacher d'abatre Ces farouches guerriers, & nous vaincre du tort Qu'ils ont fait à nos gens; contre un si ferme accord. Portons nous vaillamment, monstrons que nous ne sommes Couards, comme ils ont dit, ains des valeureux hommes. Alors tous les soldats prest à fonser dedans, Remarquent, resolus, le camp des mal-contens, Promettent, courageux, de n'espargner leur vie, De vivre & de mourir pour la chere patrie:

Pn chacun s'aprestoit, s'aprochoit, s'avançoit, Dans l'un & l'autre camp la rage s'augmentoit, On sonne les tabours, clairons, sifres, trompettes, On tire des canons, barquebuses, mousquettes, En somme on vient aux mains, à l'espée, au poignard, Hommes, chevaux armés percent de part en part: On chamaille par tout, la sanglante vengeance Arme d'un cœur d'acier l'une & l'autre puissance. Mille hommes d'un achoc par terre tombent mors, Ils font de sang un fleuve, ils font un mont de cors: Il sembloit que ce iour en deux le ciel d'eust fendre, Et mettre en un instant hommes, chevaux en cendre: Les coups confusement dedans l'air resonnoyent, Bourdonnoyent, tempestoyent, aloyent, venoyent, bruyoyens. On voyoit à ce coup les espesses bruines Couvrir ce grand amas, les Dunes, les colines, Tous les esprits venteux, en nature divers Sortoyent de tous les coings de ce grand Vnivers. D'autre costé Neptun d'une furie grande, Cuidoit tost avaller & l'une & l'autre bande: De moment en moment s'augmentoit ceste Mer, Comme si tout le monde elle d'eust abismer. Et voyant ces deux camps que de long le rivage Les flots les empeschoyent, vont faire leur carnage Aux Dunes les pietons: dessus le plat pais Les brusques chevaliers : Ains l'Ost des ennemis, Superbe, se tenoit sur les Dunes plus grandes, Descouvrant de nos gens les chancelantes bandes. Nos soldats neantmoins les suivent haut & bas, Et quoi que harassés, ils n'arrestent leurs pas: L'un eschelle les monts, des Dunes l'autre avale, L'un semble s'esgarer dans un facheux Dedale,

13

Et l'autre se va rendre aux abismes profons De l'homicide Mer, dans les bras des Tritons. Le bataillon testu de ces bandes mutines Reparerent ce iour plusieurs grandes ruines. On revient au combat plus cruel que devant, L'un va son ennemi iusqu'au ventre fendant, L'autre comme enragé, d'un coutelas il frape, Sans que pas un seul coup de sa dextre n'eschape. Vn rocher de metal sembloit l'un & l'autre Ost, La nul ne vent ceder, l'un gagne & perd tantost, L'autre fonce, recule, aproche & se retire, La rage croist tousiours, tousiours s'augmente l'ire: Tantost les mal-contents sont par nos gens chasses, Et nos gens sont tantost par iceux rechasses. L'un escadron s'avance, & l'autre se desplace, Tantost loge la peur où se campoit l'audace: L'un revient en son lieu & l'autre enfle en son cœur Le vaincueur est vaincu, le vaincu est vaincueur. Bref le combat ayant duré sur ceste plaine Bien quatre heures de tems, la victoire incertains Vole de camp en camp: nul ne sait qui l'aura: O mille-fois heureux à qui elle eschera: Heureux vraiment celui qui aura ceste dame, Et qui pour a humer de sa bouche un doux bame: Les Rois, les grands Seigneurs aimeront cest espoux, Tous ages à son los feront de hymnes doux. Mon Prince rependant au fort de la bataille,

Mon Prince rependant au fort de la bataille, Courageux, de la lame il perce, il fend, il taille, Hardi, donne à travers de ses siers ennemis, Iuste, recompensoit, ce qu'ils avoyent commis. Huit pour deux à ce coup sur la place perdirent, Bien viste au grand galop, decà, delà s'enfuirent:

B 3

Les

Les nostres suivent tost ceux qui suyant s'en vont, Blessent de plusieurs coups, l'un au bras, l'autre au front: A l'un l'espaule pend, à l'autre les entrailles, En cent ans on n'a veu si cruelles batailles, L'un est blesse au col, l'autre l'est dans le flanc, Tout ce pais estoit comme un ruisseau de sang: On n'y veoit que cors morts d'Archers, chevaux, gendarmes, Le chemin est couvert d'enseignes, piques, armes. Cinc Cornettes alors, & cent & cinc drapeaux, Us perdirent meslés, riches, vieux, & nouveaux, On fait estat aussi qu'en ceste tragedie, Bien sept mille des leurs y laisserent la vie, Sans les Contes, les Dons, que Mars tant furieux, Fit passer par le fil de son glaive outrageux. Don Gaspar, Don Ambroise, & Don Piedro d'Avile, Don Lois, Don Philippe, & autres en ceste Isle Finirent par le fer : La Fere qui estoit Prins en ce chaud combat, peu apres decedoit. Capitaines en chef de vingt & cinc à trente, Sentirent tant de coups, que de la grand tourmente, Contrains furent aussi de quitter l'Vnivers, Et de laisser leur corps aux corbeaux, & aux vers. Ceux qui restent encor s'enfuyent de la querre, Plus viste que mastins ils quittent ceste terre. He! ma muse, di-moi, laisse la les combas, Qu'est devenu mon Prince? He! ie ne le voi pas, Grand Dieu, qu'est devenu nostre invincible Achille, Dont la vaillante main fait trembler mille & mille, Des plus hardis guerriers: le croi que trop avant Il aura poursuivi l'ennemi galopant. Courage ie le voi, ha: ie le voi, courage: Voi quel lustre angelique embellit son visage.

15

Le voici, il s'aproche & d'un cœur valeurenx, Triomphant, il chemine un pas victorieux. He! que de prisonniers mon Prince nous ameine, He Dieu! quel camp nouveau devers nous se promeine, L'Admirant' d'Aragon est prisonnier aussi, Aveques tout son train: Et des nobles ceux-ci Don Lois de Villiar, & Don Diego di Torres, Don Diego de Diague, & Don Lopes encores, Don Gonsalo Spinose, & Gaspar Marian, Don Iuan, Don Piedr' aussi, Don Diego de Iousman, Don Garci de Tolede, Alon so Carcommere, Philippo de l'Argil, le Conte de la Fere, Don Sapéne & les siens, le Conte Salms aussi, Et le Conte Resin, furent prins à merci: En outre six-fois dix grands chefs & Capitaines, Furent apprehendes dessus ces larges plaines: Sept à huit cent soldats on meine en nos prisons, Aux Villes, aux Chasteaux, aux plus fortes maisons. A toi ô Prince heureux, à toi est la victoire, Et au Dieu souverain perpetuelle gloire: Cest toi ô de NASSAV, qui es le digne Espous De la belle victoire, & qui as entre tous Merité double honneur: car tes trenchantes armes Ont fait quitter le camp à tous autres gendarmes. La Barlotte depuis, hardi, s'escarmouchant, Receut le coup mortel, & autres d'un fendant, Ores en un combat, ore en une faillie, Tant grands chefs, que soldats y laisserent la vie. Courage de NASSAV, les Rois i honnoreront, Tout age, toute voix, ta gloire chanteront. Pousse tousiours avant, ta cause est iuste & bonne, Estoufe-moi ce monstre, & mille coups lui donne:

Requeri-moi son mal par le ser, par le seu,
Car tout autre remede y serviroit bien peu:
Eschouë-moi cest hidre en une Mer prosonde,
Et de ton beau renom rempli-moi tout le monde.
Courage, ne crains point, car l'Eternel tousioure
Benira ton labeur: Il sera ton secours.
Noble Prince poursui: car onc en ceste terre,
Bonne paix nous n'aurons, si ce n'est par ta guerre.

Toutes fois Monseigneur, ne precipite pas
Ton beau nom tant souvent en si hideux combas.
Sois chiche de ta vie, & à toi prend bien garde:
Ne t'expose plus tant, & tant ne te hasarde:
Garde ta vie mieux, mon second fondateur,
Mon apui, mon bouclier, mon bien-aimé Seigneur:
Plus que par le passé garde toi, ie te prie,
Tamort seroit mamort, & ta vie est ma vie.

Et vous, mes chers Seigneurs, les Estats de Hollande,
De Frise, Geldre aussi, d'ailleurs & de Zelande,
Nobles, Sages, Discrets, vous qui avés en main
Nos vies et nos biens de par le Souverain:
Ne permettés iamais que ceste Loi Divine,
Le chemin de salut, en ces pais decline:
Ainçois tachés plustost que le grand Dieu des Dieux,
Puisse estre purement adoré en tous lieux.
Messieurs qui tant avés travaillé pour la gloire
De l'Orient d'enhaut: ne cessés: la victoire
Voltige en vostre camp: l'espère desormais
Veoir fleurir vos Cités en soi plus que iamais,
En bonnes meurs, en loix, en savoir, en richesse,
En divers arts encor vostre verte ieunesse.

A ces fins, ô grand Dicu, Eternel Roi des Rois, La flambeau des flambeaux: conduis en tous endrois

Nes

Nos Princes & Seigneurs, fai leur di-ie la grace, Que tout leur bon vouloir heureusement se face: Preside en leurs conseils: & dissipe tousiours Les machinations, les complots, les discours, De tous nos ennemis: Ne permets la vistoire Regner en autre camp, qu'au tien, ô Dieu de gloire. Et si c'est ton plaisir fai changer desormais, Ceste guerre civile en une heureuse paix.

FIN.

Comparaison des Israëlites au desert, & des Nassauviens en Flandre, Ensemble l'heureux succés de l'un & de l'autre.

Tout ainsi qu'au desert les enfans d'Israël
Pour retraite n'avoyent que l'onde esmerveillable,
Lors qu'ils estoyent suivis par ce Roi miserable
Pharao, Roi tiran, Roi superbe & cruel.
NASSAV semblablement estoit en danger tel
En ce dernier exploit: Mais le Dieu savorable
Heureux, l'en delivra par moyen admirable:

Heureux, l'en delivra par moyen admirable:
Comme à ceux du desert avoit fait l'Eternel.

Et Moise & sa suite à sec la Mer passerent,
Pharao & les siens ensemble y submergerent:
De NASSAV & son camp foncent les ennemis.

Albert avoit voué de n'espargner personne, Ains le Dieu de ce Tout qui la victoire donne, Fit qu'Albert & son Ost furent en route mis.

6

Au Letteur debonnaire

SONET.

Celui qui en public bastit ou edifie,
Pluseurs Maistres il a: encor que son labeur
Soit sans reproche aucun: & que le sot iaseur
N'entende le subiect de ce qu'il calomnie.
Zoile impudent sophiste, homme rempli d'envie,
Pensoit se faire grand, reprenant cest Autheur.
HOMERE, qui estoit tant brave composeur:
Mais qu'eust-il pour loyer? un renom d'infamie.
Tout autant recevra le iappeur envieux,
Lequel va imitant, ce Zoile iniurieux,
Et qui tache, bavard, diffamer sans mieux faire.
APELLES qui estoit un peintre si parfait,
Commande au savetier, se messer de son fait:



Monsieur Couterells, sur son Discours de la bataille du 2^{me} Iuillet, 1600.

SONET.

Discoure, & nous fait veoir l'acte si dextrement:

Quellos merite encor celui qui promptement

Sait l'acte effectuer: se trouvant aux vacarmes.

Il y a de l'honneur à faire des beaux carmes:

Il y à double honneur au combat voirement:

Il faut donc d'un Laurier couronner l'argument,

Le Casar valeureux, & ses brusques gendarmes.

Tu as tant bravement discouru de ce fait,

Que ie croi COVTEREELS qu'en toi les Dieux l'ont fait,


Et que ta plume au sang s'est mesme entremessée.

I'y su, mais dés que i'oi ta plume chamailler,


Ie me tai, car i'y voy mon Prince batailler,

Et me semble qu'encor ie suis en la messée.

G. FOVRMENOIS.



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 1140



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 1140